

STATUTI I SHOQËRISË

“KEIAWEB” Sh.p.k.

Sot, më datë 29/10/2019, personat e mëposhtëm:

1. Z. Bledar Dedja, shtetas shqiptar, lindur më 05/12/1984 në Tirane, banues në Tiranë, mbajtës i letërnjoftimit (kartë identiteti) me nr. 028917146 dhe nr. Personal I41205017N, madhor e me zotësi të plotë juridike e për të vepruar, në përputhje me Ligjin nr. 9901, datë 14.04.2008, “Për Tregtarët dhe Shoqëritë Tregtare” (i ndryshuar) dhe me legjislacionin e zbatueshëm në Republikën e Shqipërisë, vendosi të themelojë Shoqërinë Tregtare të emërtuar “KEIAWEB” Sh.p.k.

KAPITULLI I

THEMELIMI – EMRI – FORMA – SELIA – OBJEKTI – KOHËZGJATJA

Neni 1

Themelimi, Emri dhe Forma

Emri dhe emërtimi tregtar i Shoqërisë është “KEIAWEB” sh.p.k. Shoqëria “KEIAWEB” sh.p.k. është një person juridik privat, e themeluar në bazë të Ligjit nr. 9901, datë 14.04.2008, “Për Tregtarët dhe Shoqëritë Tregtare” (më pas referuar si “Ligji për tregtarët dhe shoqëritë tregtare”) në formën e shoqërisë me Përgjegjësi të Kufizuar. (sh.p.k). Shoqëria fiton personalitetin juridik me regjistrimin e saj në regjistrin tregtar që mbahet nga Qendra Kombëtare te Biznesit (më pas referuar si “QKB”) në përputhje me kushtet dhe procedurat e parashikuara nga ligji.

Me fitimin e personalitetit juridik, Shoqëria bëhet përgjegjëse kundrejt palëve të treta, për detyrimet dhe dëmet që shkakton gjatë veprimtarisë së saj.

Ortakët e Shoqërisë do të jenë përgjegjës kundrejt palëve të treta deri në shumën e kontributit të derdhur në kapitalin themeltar të Shoqërisë.

Neni 2

Selia

Shoqëria do të ketë selinë e saj në adresën e mëposhtme:

PALLATI I KULTURES – KATI 2, SHESHI SKENDERBEJ, TIRANE

Me vendim të Asamblesë së Përgjithshme të Ortakëve, Shoqëria mund të çelë degë dhe /ose zyra përfaqësimi brenda ose jashtë Republikës së Shqipërisë.

Neni 3

Objekti

Shoqëria ka për objekt kryerjen e çdo veprimtarie të lejuar nga ligji dhe/ose pjesëmarrjen në çdo veprim apo aktivitet të ligjshëm që mund të kryejë një shoqëri me përgjegjësi të kufizuar, e krijuar në bazë të legjislacionit shqiptar.

Më konkretisht por pa u kufizuar në to, shoqëria ka për objekt:

- Dizenjim software-i
- Zhvillim dhe mirëmbajtje sistemesh software
- Testim software
- Dizenjim dhe zhvillim sistemesh të komunikimit
- Dizenjim dhe zhvillim sistemesh të sigurisë
- Zhvillim sistemesh migrimi
- Përmirësim/upgrade sistemesh informatike
Operimi, menaxhimi, suporti i përdorimit dhe auditimi teknik/informatik për sistemet software.

Neni 4

Kohëzgjatja

Kohëzgjatja e Shoqërisë është e pakufizuar. Shoqëria mund të priset në cdo kohë me një vendim të Asamblesë së Përgjithshme të Ortakëve, në përputhje me legjislacionin shqiptar në fuqi.

KAPITULLI II

KAPITALI – KUOTAT

Neni 5

Kapitali Themeltar

- 5.1 Kapitali themeltar i Shoqërisë është 10.000 lekë (Dhjetemijë lekë). Kapitali themeltar përbëhet nga 1 (një) kuotë me pjesëmarrje në përqindje 100 (njëqind), dhe është paguar e zotërohet tërësisht nga ortaku i vetëm i shoqërisë, përkatësisht 100%, **Z. Bledar Dedja**.
- 5.2 Ortakët janë përgjegjës kundrejt palëve të treta për humbjen që pëson Shoqëria, deri në shumën e kontributit të tyre në kapitalin themeltar.
- 5.3 Kapitali Themeltar mund të zmadhohet ose zvogëlohet me vendim të Asamblesë së Përgjithëshme të Ortakëve, në përputhje me dispozitat ligjore.

Neni 6

Kuotat

Të drejtat dhe detyrimet e lidhura

- 6.1 Çdo kuotë i jep zotëruesit të drejtën e një vote.
- 6.2 Pronësia mbi kuotat do të regjistrohet në regjistrin e ortakëve që do të mbahet në selinë e Shoqërisë nën përgjegjësinë e Administratorit (“Regjistri i Ortakëve”).
- 6.3 Regjistri i Ortakëve do të pasqyrojë informacionin e mëposhtëm:
 - (i) identitetin e cdo Ortaku;
 - (ii) numrin dhe vlerën e kuotave që i përkasin cdo Ortaku;
 - (iii) datën e fitimit të pronësisë së secilit Ortak mbi kuotat;
 - (iv) adresën apo selinë e cdo Ortaku;
 - (v) detaje për cdo peng apo barrë të vendosur mbi kuotat.

Neni 7

Transferimi i Kuotave

- 7.1 Kuotat janë lirisht të transferueshme nëpërmjet Ortakëve ekzistues, trashëgimisë, dhurimit, shitblerjes apo cdo mënyre tjetër të parashikuar me ligj.
- 7.2 Kalimi i të drejtave të pronësisë, venia peng, barrë apo çdo mjet tjetër sigurimi mbi kuotat do të kërkojë, në mënyrë që të prodhojë efekt, miratimin paraprak të Asamblesë së Përgjithshme të Ortakëve, e cila vendos me shumicë të thjeshtë.
- 7.3 Nëse një Ortak ka për qëllim të transferojë në cdo formë të gjitha apo një pjesë të kuotave të tij, një personi të ndryshëm nga Ortakët, secili prej Ortakëve të tjerë ka të drejtën e parablerjes mbi një numër kuotash në përpjestim me pjesëmarrjen e tyre në kapitalin themeltar, në varësi të faktit se sa ortakë do të ushtrojnë të drejtën e parablerjes në rastin konkret. E drejta e parablerjes ushtrohet vetëm në përputhje me procedurën në vijim.
- 7.4 Nëse një ortak ka për qëllim të transferojë të gjitha apo një pjesë të kuotave të tij, ai, përpara se të nënshkruajë marrëveshje me persona të ndryshëm nga Ortakët, do të njoftojë me shkrim Administratorin për transferimin e planifikuar, duke përcaktuar edhe çmimin e transferimit, personin/at të cilëve planifikon t’u transferojë kuotat dhe kushtet esenciale të transferimit.
- 7.5 Administratori, brenda 10 ditëve duke filluar nga dita kur është njoftuar nga Ortaku për shitjen apo transferimin e planifikuar – do të informojë me shkrim Ortakët e tjerë.
- 7.6 Secili prej Ortakëve që ka të drejtë parablerje, brenda 1 (një) muaji nga njoftimi prej Administratorit për shitjen apo transferimin e planifikuar, do të njoftojë me shkrim Administratorin nëse ka qëllim të ushtrojë të drejtën e tij të parablerjes. Administratori brenda 10 (dhjetë) ditëve nga marrja e këtij njoftimi do të njoftojë me shkrim ortakun që dëshiron të transferojë kuotat e tij.
- 7.7 Nëse më shumë se një ortak ushtrojnë të drejtat e parablerjes, ata do të blejnë këto kuota në përpjestim me pjesëmarrjen e tyre aktuale në kapitalin themeltar.
- 7.8 Nëse asnjë njoftim nuk është dhënë nga ndonjë ortak sipas nenit 7.6 me sipër, ortakun që ka për qëllim të transferojë kuotat e tij, do të jetë i lirë t’ia transferojë këto kuota personit/ave të përcaktuar.

- 7.9 Nëse vetëm një ortak ka dhënë njoftimin për qëllimin e tij për të ushtruar të drejtën parablerjes, ky ortak do të ketë të drejtë të blejë kuotat, objekt transferimi brenda 10 ditëve nga data e mbarimit të afatit të përcaktuar nga neni 7.6 me sipër.
- 7.10 Çdo transferim i kuotave që nuk kryhet në përputhje me parashikimet e këtij neni është i pavlefshëm dhe pa efekte për shoqërinë.

Neni 8

Zmadhimi i kapitalit

- 8.1 Kapitali themeltar mund të zmadhohet, me vendim të Asamblesë së Përgjithshme të ortakëve, nëpërmjet emetimit të kuotave të reja ose rritjes së vlerës nominale të atyre ekzistuese ose në çdo formë tjetër të parashikuar nga ligji.
- 8.2 Për çdo zmadhim kapitali të Shoqërisë nëpërmjet emetimit të kuotave të reja, Ortakët do të kenë të drejtën e parablerjes për nënshkrimin e këtyre kuotave të reja të emetuara. Nëse më shumë se 1 (një) ortak ushtrojnë të drejtat e tyre të parablerjes brenda 20 (njëzet) ditëve, atëherë ata do t'i blejnë këto kuota në përpjestim me pjesëmarrjen e tyre aktuale në kapitalin themeltar. Çdo kuota e re që nuk është blerë nga ortakët gjatë këtij procesi, i ofrohet çdo pale të tretë.
- 8.3 Kuotat e reja që do të shlyhen si me para në dorë, ashtu edhe në natyrë, do të paguhet në përputhje me vendimin përkatës për zmadhimin e kapitalit dhe ligjin për Shoqërië Tregtare.

Neni 9

Zvogëlimi i Kapitalit

- 9.1 Kapitali mund të zvogëlohet, me vendim të Asamblesë së Përgjithshme të Ortakëve, në përputhje me ligjin për Shoqëritë Tregtare.

KAPITULLI III ORGANET E SHOQËRISË

Neni 10

Asambleja e Përgjithshme e Ortakëve

- 10.1 Asambleja e Përgjithshme do të jetë organi më i lartë i Shoqërisë, i cili, vec kompetencave të tjera sipas ligjit për Shoqëritë Tregtare apo këtij Statuti, merr vendime për çështjet e mëposhtme të Shoqërisë:
- a. përcaktimin e politikave tregtare;
 - b. ndryshimet e Statutit;
 - c. emërimin e shkarkimin e Administratorit;
 - d. emërimin e shkarkimin e likuiduesve dhe ekspertëve kontabël të autorizuar;
 - e. miratimin e skemës së shpërblimeve për personat e përmendur në shkronjat c dhe d;
 - f. miratimi i pasqyrave financiare vjetore dhe i raporteve të ecurisë së veprimtarisë së Shoqërisë;
 - g. shpërndarjen e fitimeve vjetore;

- h. zmadhimin ose zvogëlimin e kapitalit themeltar të Shoqërisë;
- i. pjesëtimin dhe anulimin e kuotave;
- j. perfaqësimin e shoqërisë në gjykime;
- k. riorganizimin dhe prishjen e Shoqërisë;
- l. miratimin e rregullave të zbatueshme proceduriale të mbledhjeve të saj;
- m. çështje të tjera sipas parashikimeve të këtij Statuti.

Në rastin kur shoqëria zotërohet nga një ortak, të drejtat e detyrimet e asamblesë së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to vendimet për; miratimin e pasqyrave financiare vjetore dhe i raporteve të ecurisë së veprimtarisë së Shoqërisë; shpërndarjen e fitimeve vjetore dhe mbulimin e humbjen; investime dhe vendimet për organizimin dhe prishjen e shoqërisë.

- 10.2 Asambleja e Përgjithshme e Ortakëve mbledhet në rastet e përcaktuara nga ligjet e aplikueshme ose nga ky statut dhe sa herë që është e nevojshme për të mbrojtur interesat e shoqërisë, Asambleja e Përgjithshme mbledhet të paktën një herë në vit.
- 10.3 Njoftimi për thirrjen e Asamblesë së Përgjithshme mund të dërgohet me shkrim apo e-mail në adresat që secili Ortak do t'i njoftojë me shkrim Shoqërisë me postë të regjistruar. Njoftimi për thirrjen e Asamblesë duhet të përcaktojë qartë emrin e Shoqërisë, selinë, datën, kohën dhe vendin e mbledhjes, një përshkrim të hollësishëm të procedurës që duhet të ndiqet nga ortakët për pjesëmarrjen dhe votimin. Informacioni po ashtu dhe rendi i ditës, duhet t'u njoftohet të gjithë ortakëve jo më pak se 7 (shtatë) ditë përpara mbledhjes. Rendi i ditës i njoftuar si më sipër duhet të përmbajë edhe vendimet e propozuara për çdo çështje. Nëse Asambleja e Përgjithshme e Ortakëve duhet të vendosë për ndryshimin e Statutit, teksti duhet të njoftohet së bashku me rendin e ditës.
- 10.4 Asambleja e Përgjithshme e ortakëve do të thirret nga Administratori dhe, është e zbatueshme, nga Ortakët.
- 10.5 Një ortak mund të përfaqësohet në Asamblenë e Përgjithshme të Ortakëve nga një ortak tjetër apo nga një person i tretë i ndryshëm nga Administratori, duke paraqitur dokumentin përkatës autorizues. Autorizimi mund të jepet vetëm për një mbledhje të Asamblesë së Përgjithshme të Ortakëve, e cila përfshin edhe mbledhjet vijuese me të njëjtin rend dite.
- 10.6 Në rastin e vendimeve që kërkojnë një shumicë të zakonshme, Asambleja e Përgjithshme e Ortakëve mund të marrë vendime të vlefshme vetëm nëse janë të pranishëm ose të përfaqësuar Ortakët me të drejtë vote, që zotërojnë më shumë se 30% (tridhjetë përqind) të kuotave. Në rastin kur kërkohet marrja e vendimeve për çështje të cilat kërkojnë shumicë të kualifikuar, si ndryshimi i Statutit, zmadhimi ose zvogëlimi i kapitalit, shpërndarja e fitimit, ristrukturimi dhe prishja e Shoqërisë, Asambleja e Përgjithshme e Ortakëve mund të marrë vendime të vlefshme vetëm nëse janë të pranishëm personalisht ose të përfaqësuar, Ortakët që zotërojnë më shumë se 50% (pesëdhjetë përqind) të kapitalit të regjistruar dhe do të marrë vendime me $\frac{3}{4}$ (tre të katërtat) e votave të kapitalit pjesëmarrës. Nëse Asambleja e Përgjithshme e Ortakëve nuk mund të mbledhet për shkak të mungesës së kuorumit, Asambleja mbledhet përsëri brenda 30 ditëve me të njëjtin rend dite.
- 10.7 Me përjashtim të rasteve kur parashikohet ndryshe nga Ligji Tregtar, vlefshmëria e vendimeve që përcaktojnë detyrime shtesë ose kufizojnë/zvogëlojnë të drejtat që u janë njohur

ortakëve nga Ligji Tregtar apo nga ky Statut, kushtëzohet nga miratimi i Ortakut të interesuar/përkatës.

10.8 Të gjitha vendimet e Asamblesë duhet të regjistrohen në procesverbal. Administratori është përgjegjës për mbajtjen e një kopjeje të tij.

Neni 11

Organi Administrues/Administratori

11.1 Organi Administrues përbëhet nga 1 (nje) Administrator që emërohet e shkarkohet nga Asambleja e Përgjithshme e Ortakëve. Kohëzgjatja e mandatit të Administratorit është 5(pesë) vjet, me të drejtë riemrimi.

1. Z. Bledar Dedja, shtetas shqiptar, lindur më 05/12/1984 në Tirane, banues në Tiranë, mbajtës i letërnjoftimit (kartë identiteti) me nr. 028917146 dhe nr. Personal I41205017N, madhor e me zotësi të plotë juridike e për të vepruar, caktohet Administrator i parë i shoqërisë me mandat 5 vjecar, nga data e regjistrimit ne QKB.

11.2 Administratori do të:

- (i) administrojë veprimtarinë tregtare të Shoqërisë duke zbatuar politikat tregtare të miratuara nga Asambleja e Përgjithshme e Ortakëve;
- (ii) përfaqësojë Shoqërinë;
- (iii) kujdeset për mbajtjen e rregullt të librave dhe dokumentave kontabël;
- (iv) përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë, të cilat ia paraqet Asamblesë së Përgjithshme të Ortakëve për miratim, së bashku me propozimet për shpërndarjen e fitimeve;
- (v) krijojë një sistem njoftimi të përshtatshëm për rrethanat që kërcënojnë ekzistencën e Shoqërisë;
- (vi) kryejë regjistrimet e publikimet e detyrueshme të të dhënave të Shoqërisë, sipas kërkesave të Ligjit Tregtar apo të ligjeve të tjera të zbatueshme;
- (vii) raportojë përpara Asamblesë së Përgjithshme të Ortakëve në lidhje me zbatimin e politikave tregtare si dhe për përfundimin e transaksioneve me rëndësi të veçantë për performancën e Shoqërisë;
- (viii) kryejë detyra të tjera, të përcaktuara ne Ligjin Tregtar dhe në këtë Statut;
- (ix) thërrasë mbledhjen e Asamblesë së Ortakëve sa herë që kërkohet sipas ligjit apo këtij Statuti.

Neni 12

Kontrolli i Shoqërisë

Asambleja e Përgjithshme e Ortakëve mund të emërojë një ose disa ekspertë kontabël të autorizuar për kontrollin e llogarive të Shoqërisë.

KAPITULLI IV
VITI FINANCIAR, LLOGARITË VJETORE, FITIMET DHE REZERVAT LIGJORE

Neni 13

Viti financiar

Viti financiar ka një kohëzgjatje prej 12 (dymbëdhjetë) muajsh e cila fillon me 1 Janar dhe mbaron me 31 Dhjetor të çdo viti.

Në mënyrë përjashtimore, viti i parë financiar fillon në datën e regjistrimit të Shoqërisë në Regjistrin Tregtar.

Neni 14

Rezerva Ligjore

Shoqëria do të kalojë në fondin rezervë të detyrueshëm të paktën 5% (pesë përqind) të fitimit vjetor neto derisa kjo rezerve të arrijë vlerën e barabartë me 10 përqind të kapitalit themeltar.

Neni 15

Dividentët

Pas miratimit të bilancit vjetor dhe përcaktimit të shumës që do të ndahet, Asambleja e Përgjithshme e Ortakëve përcakton shumën e fitimeve që do t'i shpërndahet secilit prej Ortakëve si dividend, në përpjestim me pjesën përkatëse në kapitalin themeltar.

KAPITULLI V
PRISHJA-LIKUIDIMI

Neni 16

Prishja e Shoqërisë

Shoqëria prishet:

- (i) me vendim të Asamblesë së Përgjithshme të Ortakëve; ose
- (ii) në rast falimentimi; ose
- (iii) kur Shoqëria nuk ka kryer veprimtari për 2 (dy) vjet dhe nuk është njoftuar pezullimi i veprimtarisë në QKR; ose
- (iv) me vendim gjykate; ose
- (v) për arsye të tjera të parashikuara në ligj.

Neni 17

Likuidimi

Me përjashtim të rastit të fillimit të një procedurë falimentimi, prishja e Shoqërisë shoqërohet me fillimin e procedurës së likuidimit.

Neni 18

Dispozita Përfundimtare

- 18.1 Për të gjitha çështjet që nuk janë parashikuar në këtë Statut, do të zbatohen parashikimet e Ligjit Tregtar.
- 18.2 Konfliktet në lidhje me këtë Statut do të zgjidhen nga gjykata e rrethit gjyqësor ku Shoqëria ka selinë e saj.
- 18.3 Me qëllim shmangien e çdo paqartësie, ndryshimi i ortakëve dhe/ose Administratorit, dhe/ose çdo funksionari nuk do të konsiderohen si ndryshime të këtij Statuti.
- 18.4 Ky Statut nënshkruhet rregullisht në 4 (katër) kopje në gjuhën shqipe.

ORTAKËT THEMELUES

Z. Bledar Dedja

Bledar Dedja

